

L'HARPOCRATE

FRANÇOIS.

Au Roy.



L'a de grace, 1603.

L'HARPOCRATE

FRANÇOIS.

Au Roy.

SIRE,
 Je m'eschappe à la parfin & me
 desrobbe à moymesme, quelque
 violence que me fassent le train de
 ma vie passée; & les vœux de ma
 taciturnité, maintenus par vn si
 longtemps inuiolables, pour les re-
 tenir: mes habitudes & resolutions
 n'ont plus de tenuë, vne iuste es-
 motien les altere, & les esbranle de
 sorte, qu'avec le silence de v. M. ie
 romps à ce coup le silence que i'ay
 professé par tant de siecles, puis que
 il va de vostre seruice, & que per-
 sonne de tous ces hommes d'estat
 que vous ne vistes iamais, qui se
 meslent neantmoins de vous don-
 ner des conseils, ne s'est aduisé de

vous en toucher vn, l'aduantage du quel regarde vostre gloire, l'vtilité, le bien de vos affaires, & la necessité, le repos de vos peuples, qui se glacent de frayeur, & sont à demy transis, attendans auquel des partis, de la paix ou de la guerre v. M. se voudra resoudre, apres tant de bruits, & de caquets semez impertinément, par ce nombre infini d'escruiains, qui grouillent, & qui fourmillēt en vostre France.

Peut il estre, Sire, que leur babil ne vous fasche point, & que vous ne soyez offensé de leurs imprudences effrontees? Souffrirez vous lōg temps ces Pies importunes, presages de quelque malencontre, & ces funestes corbeaux, Tribuns de sedition, qui d'vn horrible & sangui-
naire croassement, tous les iours vous rompent, mais deschirent les oreilles.

Tous les carrefours de vostre Paris, les quatre coins, & le milieu de vostre Royaume retentissent du bruit de ces Gais presôptueux, qui osent vous donner conseil, en pleine rue, sur les plus serieuses occasions de vostre Estat, esquelles ils ne voyent goutte.

C'est merueille, Sire, de vostre patience, par tout les Espiciers & les Beurrieres distribuent ces fameux Aduis qu'ils vous donnent, au debit de leurs marchandises, tant ils sont descrivez auilis.

Vous seul en ce mespris vniuersel, leur donnez encores audience. Aristote, à vn causeur qui luy contoit gauguenette, & luy demandoit sonuent, si son discours n'estoit pas estrange: non, respondit-il plaisamment, mais bien, qu'un homme ayant des pieds, se donne en t'escoutant vne si longue patience.

N'y a il pas, Sire, plus de quoy s'estonner, qu'un Roy, qu'un grand Roy si occupé, comme vous estes, à tant de diuers & importans affaires, écoute, mais souffre si longuement impunis ces Echos, nez, comme i'estime, en ce Portique de la ville d'olimpe, que lon nommoit Heptaphonos, qui disent & redisent, non sept, mais cent fois, des secrets que ils n'entendent point, & les publiēt malicieusement, sous vn masque d'affection, à certaines gens qui en font profit, à vostre dommage.

Vn Empereur ne vouloit pas que les affaires d'un homme priué, vinsent sans nécessité, à la cognoissance de la Iustice, pour ne descrier sa maison, & ces Charlattans trompetteront avec impunité, en la presence, & aux oreilles de v. M. celles de vostre Royaume. Impudens, de vous faire des contes, qu'ils ne sça-

uent pas , de les raconter à vostre
 peuple, & les publier aux estrangers,
 qui les reçoient pour bonne mon-
 noye , bien que forgee la pluspart
 & battue par ie ne sçay quels Pe-
 dans affamez, qui se font de feste es
 bonnes maisons pour y auoir re-
 peuë franche, où ils apprennent des
 garçons de cuisine, leurs commen-
 çaux, ces graues & serieuses maxi-
 mes , fondemens de ses cajoleries
 dont ils vous rompent la teste, & à
 tout le monde.

Grands Conseillers d'un grand
 Roy, brillantes & diuines lumieres
 de ce siecle, qui au iour de leurs vi-
 ues raisons, allument vostre aueu-
 glement, & chassent les nuages de
 tant d'irresolutions, que vostre pru-
 dence esclot & balance, pour ren-
 dre ses resolutions plus solides. At-
 las de vostre France, qui sur les lar-
 ges espaules de leur capacité, sou-

stiennent le faix de ceste Monarchie Dignes du rang de ces trente Senateurs Carthaginois ou du nombre de ceux choisis par les Atheniens pour ordonner souverainement des plus vrgens affaires de leur Republique. Mais indignes ě, cela car il le faut aduouer, qu'ils donnent pour secrets essentiels, & racontēt aux trippieres & aux portefaix, des imaginations creuses de leurs fantastiques cerueaux.

Ces trente Conseillers de Carthage, & ces autres Atheniens, estoient vn peu plus retenus. ils essent aussi tost decelé les misteres cachez de leur Religion, que le resultat de leur Conseil. L'on dict qu'vn iour que Fabius, le fleau du braue Annibal l'arrest de ses frequentes & glorieuses victoires, & le restaurateur de la Republique Romaine, fut reprimendé fort aigrement, & iusques

aux iniure, par le Senat, pour auoir en deuis familier laschè quelques mots à crassus, de la resolution prise entre quelques principaux de la ville, de renouueller pour la troisieme fois la guerre Punique.

Antigonus surnommé le Grand ne respondit rien à son fils qui luy demandoit quand il deslogeroit l'armee, sinon s'il estoit en crainte d'estre seul, qui n'étendrait point les trompettes.

Et le Vieil Metellus interrogé sur quelque chose de consequence, fit la response, qu'il despouillerait sa chemise, pour la mettre au feu, si elle en sçauoit des nouuelles.

Et certes, s'il y a choses au monde qui meritent du sience, ce sont celles qui portent coup à l'estat.

Ce sont des mysteres qui se prophanent en la bouche de la po-

pulace. Quelle aparence y a-il que vn mercenaire entretienne en sa boutique, s'es folles, & rudes imaginations, & se iouë d'un subiect si haut & si digne?

Quelque reputation qu'eust Socrate, quelque diuin que fust Platon si leur estoit-il interdit de mettre le nez es choses commises à la charge des Prestres de Delphes. Le soin de la Religion est vn fait à part: aussi de tout temps les personnes dediees au culte diuin, avec les Anciens, & le Magistrat, en ont eu seuls l'intendence. Que si le peuple se presentoit quelquefois en foule dās les temples, il en estoit soudain reculé, par vn Bedeau, qui le repoussoit d'une houffine, appelée *Commentaculum* par les Latins. Les grecs ne commençoient iamais leurs sacrifices, qu'apres ceste exacte inquisition, τίς τῆς, qui est icy. La porte

n'estoit pas ouuerte à vn chacun : elle estoit close , pour ceux qui uiuoient avec dechet de leur reputation, qui auoient les mains pollues du sang de leurs Citoyens , qui s'estoient volontairement soubmis au ioug d'une deshonneste seruitude, les ames venales, & les femmes n'y auoient iamais entree.

Si nous croyons ce qu'en dit Platon, la Religion & l'Estat sont deux pieces qui marchent , sinon d'un pied tout egal , au moins elles ont du voisinage, se conioignent de pres & s'associent avec les hommes d'une grande, mais proportionnee, reuerence. Que celle la prime toujours , & que celle cy la seconde, qu'elle tire d'une aisse plus haute, pleine de grandeur & de majesté, & que celuy cy la suyue , portant neantmoins sur le front le respect qui luy est deu. Il est tel, au raport

de ce diuin Philosophe, que nous deuons non seulement admettre pour inuiolables, mais reuerer les loix qu'il recoit, comme sainctes & diuines desquelles, ny de tout ce qu'il concerne, il dict nestre permis à personne de communiquer, sinon aux Anciens, auxquels il en assigne le soin & le concert avec le Magistrat, l'amaïs en presence des ieunes, n'y des personnes prophanes

S I R E, iusques à quel desreiglement s'est pouffée l'insolante temerité de ces brouilleurs de papier de ces nonueaux Conseillers sans gage (s'ils ne reçoïuēt en paye la honte & l'infamie, iuste recompenses de leurs iniustes aduis) qui, les vns nourris parmy le sang & le sac de leur patrie, entre les plus farouches assassins, & les plus inhumains paricides, parmy les bois, au beau mi-

lieu des grands chemins osent employer leurs mains encores tainte du sang de vos pauvres subiets, pour vous conseiller hautement, à la face de vostre peuple, emmy les ruës, par l'organe des portefaix, & le secours de leurs iniurieux libelles, d'ensanglanter vostre victorieuse, mais innocente dextre, es entrailles de vos voisins : mais comment conseiller ? vous y pousser à belles iniures, vous y forcer s'ils pouuoient, par menaces, & vous y engager bien auant par vn reproche de lascheté.

Les autres d'humeur plus flegmatique, ou vne façon pedente, & d'vn stile descharné, languissant, vous font des contes à dormir debout, rehaussent, avec des engins propre à dōner laquestiō vne grandeur ideale, en ceux qu'ils

declarent ennemis de vostre Couronne, en font des tiercelets de diuinité, pensant vous raualer le courage, & vous faire tōber des mains, le fer, qu'ils aprehendent que vous ayez pris, au bruit de la trompette de ce matamore de Beart Antrophage.

Quelques bouffons par apres, contrefaisans les habiles hommes, d'vne raillerie trop licentieuse, pleine de fiel, & d'un ris Sardonien, donnent de viues atteintes à v. M. & du scandale à ses seruiteurs, éleuez aux principales & plus eminentes charges de vostre Estat. Veulent faire des Palemons, & mettre la paix par vne composition Comique entre ces perroquets trupelus, sans prendre garde, qu'en becquetant tout le monde, & l'offensant mal à propos de leurs sanglantes rifees, ils se mettent en danger d'auerer cest

cest ancieu prouerbe,, que

En fin toute langue effrenee

Se trouuera mal fortunee.

Il en prit mal, si les Poetes en font creus, à Larra, depuis mere des Dieux domestiques, appelez Larres des Romains, d'auoir rapporté à Iunō, les Amours de son Iupiter, perdu de la beauté de Iuturne. Luy, qui maistre des Dieux ne pouuoit faillir en sa iustice, proportionna son chastiment, au demerite de sa coulpe, il la rendit muette, & luy apprit en la perte de ce morceau, que Bias disoit estre ou le pire, ou le meilleur de la beste, combien la parole couste, qui part d'indiscretion, ou de malignité. Le pauvre Cicerō purgea de son sang, la mesdisance de ses Philippiques a guisees contre Antonius, depuis l'un des chefs du Triumvirat. Vn Phi-

losophe , pour des gaufferies fut
moulé, derompu à coups de pilons:
pour reuāche, il affiloit le courroux
de son ennemy, l'enhortoit & l'inci-
toit à n'espargner point le ballon
d'Anaxarchus, foible & enfantine
vengeance, de donner de l'esguillō
au ressentiment de celuy, qui peut
quand il veut, donner la mort, &
n'en desplaie à nos maistres, qui
font registre de ceste actiō, comme
d'une remarque importante, &
pleine de merueille.

Il faut dire vn mot de Calisthe-
nes, grand amy du grand Alexan-
dre, duquel la reputation a beau-
coup de cōuenāce à la vostre, SIRE,
sinon que ses equpees trop ordi-
naires, ses impatiences farouches,
ont vn peu rualé de sa gloire, où la
vostre au contraire, est demeuree
debout en son lustre, innocente
& toute rassise, hors la chaleur des
combats

combats, & s'est rehaussée par l'accession d'une clemence toute diuine, l'element, & l'essence de V.M.

C'est hōme, compagnon du Roy en l'eschole d'Aristote, le raualloit souuent d'une liberte satyrique, & le piquoit mal à propos, sur le desir effrené de sa deité, comme font ces Bouffons, qui vous chatouillent pour vous faire rire, avec vn ciseau de railleur.

Vn iour vne mouche le pique, il se fasche, & le faict chastier d'une mort, à la verité, indigne en sa seuerité, du courroux d'un si grād Prince.

Bouffons, pesez le peril qui vous suit, escriuant de ceux qui peuuent non seulement vous, proscrire mais vous rendre muets que Larra, autant chargez de coups qu'Anaxarchus, & aussi bien

traictiez que Ciceron & Calisthenes.

Ce danger aussi vous regarde, & vous Soldats Rodomons, & vous Orphaies solitaires, qui vous tappiez à l'ombre d'as la poudre de vos estudes relantes: eöceuës du moins au malheur d'autrüy, à quel hazard vostre imprudence vous iette. Gardez qu'en recherchāt du nom parmi l'inanité de vos escrits, vous trouuiez des coups, & des suppliques solides, spectacles en Greue de cö sot populas, que vos refueries allarment. Ne soyez pas ces Aiguilles de mer, ou ces Viperes, qui se déchirent les entrailles, & creuēt par le milieu quand elles font leurs petits. L'on peut escrire à meilleur compte, & enfanter des Minerues mais avant ce, purgez vn peu vos cerueaux d'vne dragme d'eilebore, il sera mieux preparé pour conce-

voir ces deux motsbriefts, mais de grande energie, **COGNOY TOY:** & celuy de cest autre, qui renuoye le Cordonnier à sa pantoufle, sans emanciper son iugemēt plus loing.

Que vous aduiendra il, sinon de la honte, d'oser ce qui surpasse vos forces, d'embrasser vn faix, qui vo⁹ ploye les espaules, & vous atterre de son poids? Grimper aux choses impossibles, est temerité, s'ahurter à celles où il y a du danger apparēt & de la vie & del'hōneur, cest folie, mais s'opiniastrer, & se picquer contre celles qui offensent son Roy & interessent l'Estat, c'est impieté.

Indicieusement Zenon, appelé à vn festin qui se faisoit aux Ambassadeurs du Roy de perse, se teut & se tint coy, lors que les autres conuiez, pour faire parade de leur bien dire, & mettre leur philosophie en monstre, cajoloient à quatre parties, es-

chauffez peut estre, de ceste charmeresse liqueur qui possede & regente ceux qui s'en chargent. Ces Perses y prirent garde, & l'attaquās à coups de verre, le prièrent qu'ils portassent au Roy quelque nouuelle de sa part. Celuy-cy, fit il, que vous auez veu à Athenes, & ũ vieillard, qui sçait se taire à la table.

Taisez-vous, au moins à la ruë, où s'il vous est impossible, imités la discretion de ces Oyes, qui recognoissant leur imperfection, y pouruoient, & pour se guarentir des Aigles, frequentes au mōt de Taurus, par dessus lequel elles passent venāt de la Cilicie, chargent vne pierre en leur bec, qui leur sert comme de frain, à resserrer & contenir le cry, qu'elles ne peuuent dompter par nature, au son duquel ces Aigles éveillées, viendroiēt fondre dessus, & en feroient vne bonne curee.

Ses criarts animaux , ont trouué en la nature , dequoy corriger leur naturel, & vous manquerez de secours , pour restablir & remettre le vostre en sa deuë assiete. Ce mot d'un Philosophe est excellent , que les hommes nous apprennent à parler , & les Dieux à nous taire. Voila de bons maistres & bië experimentez , il faut courir à ceste escholle , & apprendre ceste leçon , elle est vtile en sa practique.

Sire, contribuez, s'il vous plaist, à ceste reformation, quelque chose du vostre , car vos subiects se forment volontiers sur le modelle de leur Prince , ils ressemblent ces Courtisans , qui s'entreheurtoient l'un l'autre, feignans d'auoir mauuaise veuë , pour complaire à leur Roy, qui l'auoit courte, & ces Gentils-hommes de la suite d'Alexandre , qui pour luy faire

plaisir portoient le col de trauers,
 parce que la nature le luy auoit vn
 peu panché sur vne espaulle. Vos
 François suyuent ordinairement les
 reigles, que ceux qui leur comman-
 dent prennent pour eux. Ce sont-
 ils qui leur mettēt en credit, ou qui
 en rauallent l'vsage. Iusques au tēps
 de François, les longues cheuelures
 auoient de la grace & de l'aduanta-
 ge en ce Royaume: Aduint vn acci-
 dent qui le contregnit d'abatre la
 fiēne, voila toutes celles de ses Cour-
 tisans par terre. & en suite de tous
 ses peuples: aussi le Chancelier Oli-
 uier les comparoit à des Guenons,
 qui fōt par imitatiō toutes sortes de
 fingeries. Voulez vous que leur ca-
 quet cesse que ces escriuaīs soiēt mu-
 ets, & ses Harlequins sās fornettes, re-
 tranchez leur en la matiere, mettez
 les à sec, en tenant vn peu vos affai-
 res cachees. Il est meilleur que l'on

vous reproche, comme iadis à Tibere, vne humeur plus tost resserree qu'ue liberte trop ouuerte: ce prince, l'ũ des mieux entẽdus au maniemẽt d'v n Estat qui ait depuis, ou auant luy soustenu la charge & la dignitẽ de ce grand Empire, iugeoit necessaire qu'vn souuerain retint à soy, & se reseruast la meilleure part de ses conseils, & presque toutes ses resolutions: que si quelquefois le bien de son seruice le cõtreignoit de lacher prise, par quelque necessitẽ urgente, & à les deceler, que ce ne deuoit estre qu'a peu d'hommes, & encores bien affidez. Il scauoient par experiẽce, combien les amitez des Courtisans sont obliques, & se souuenoit de ce mot de Caton, qui peut estre mieux, & plus veritablement appropriẽ à vn souuerain, que nous auons autant d'ennemis que de seruiteurs. Lesames de la Court ont

tant de recoins & de cachots, la bien
 veillance, la foy, la fidelité y sont si
 clair semées, que de s'y fier vulgai-
 rement, c'est courir à vn danger
 tout notoire. La liberté de parler de
 François I. Roy doué d'une ma-
 gnanimité inuincible, & d'un cou-
 rage tout diuin, aporte plus de coup
 à ces frequentes disgraces, que tous
 tes les armées de ses ennemis : les
 mouschars qu'ils entretenoiēt pres
 de luy, pour recueillir ses paroles,
 desquelles il n'estoit pas autremēt
 chiche, luy ont rendu plus de
 seruice, & ont fait mille fois plus
 d'effect, que l'Espagne, l'Italie, l'Al-
 lemagne, & l'Angleterre coniurees
 à sa ruyne. L'un de ses deuanciers
 Louys XI. Prince accort, auquel
 vostre Couronne doit beaucoup
 de sa grandeur, luy auoir appris par
 son exemple, vne autre leçon, s'il
 l'eust suiui, mais il est trop mal-aisé
 à ces

à ces fortunes commandereſſes, de faire violence à leurs volontez, forcer leur naturel, & d'accommoder leurs mouuemens aux reigles de leur vtilité. C'eſtoit vn commun dire de ſon temps, que le cheual du Roy deuoit eſtre de belle force, puis qu'il auoit à porter tout enſemble, & ſon Maïſtre, & ſon conſeil. A vn homme roïnu comme luy, & expert, comme vous eſtes, à toutes fortes d'affaires, voſtres, de vos voiſins, & des peuples plus reculez, c'eſt le meilleur remede, que d'eſtre ſecret, & le plus ſalutaire antidote, contre les traiſtres domeſtiques & les doublons eſtranges.

Non que ie ne croye, Sire, d'une ferme & toute certaine foy, que ceux choiſis par V. M. pour approcher ſa perſonne & qui ont l'entrée libre en voſtre cabinet, ne demeurent es termes d'une vraye & ſince-

re affection, & d'une constante & inuiolable fidelité à vostre seruice, Mais l'on dit que les François ont la ceruelle vn peu mouuante, que les ressorts en sont gais, qu'ils panchent naturellement à la legereté, qu'ils parlent & qu'ils s'ouurent trop confidemment à certaines gens, qui vous nuisent, & les trahissent.

Vous en sçauiez, SIRE, des nouuelles toutes fraisches, & sentez encores où il vous en cuit, Pourtât, ne laissez pas de faire tousiours bonne mine, il vous en prend bien d'estre accord, & de pouoir, par vne entiere confiance, retenir les seruiteurs qui le vaillent. Cene seroit pas le meilleur, de les transfir d'un mauvais œil, ou de les tenir en ceruelle, par vn vilage, qui porte en sa froideur, la marque de quelque soupçon. C'est engager vn homme

bien auant en la fidelité, que de luy
 faire voir qu'on le tient pour bien
 fidele. Mais pourtant il ne faut pas
 dire tout. La force de vostre bel es-
 prit, qui va de pair avec la genero-
 sité de vostre courage, si heureuse-
 ment esprouuée, & ceste longue
 routine des affaires du monde, aus-
 quelles la fortune & vostre bon-
 heur vous ont plongé des le ber-
 ceau, vous rendent aujourdhuy
 sans contredict le plus capable de
 vostre Roiaume. Vsez de vostre ad-
 uantage, & que ceste prudence for-
 mée en vous par vne si longue ha-
 bitude, vous fournisse, es rencon-
 tres qui meriteront du silence, des
 conseils qui soient plustost pris que
 concertez, plustost effectuez que
 sceus.

Iamais en chose de grand poids,
 le nombre de Conseillers ne fut v-
 tile, il se void par experiëce que les

discours & les ceremonies necessaires en telles assemblees, consumment vne partie du tēps qui seroit mieux employé à l'effect. Peut estre que pour cette cause les Siracusins n'vsoient point de Conseil priué. Vn seul Timoleō leur suffisoit pour cest vslage. S'il se presentoit quelque affaire, où yallast de leur salut, & du tout de leur republique, ils auoiēt recours à luy, comme à vn Oracle, & s'y arrestoient religieusement comme à celuyd'Apollon.

Si vne extraordinaire violēce estoit l'Empire des Romains, ces gēs, bien que passionnément obstinez au serment de leur liberté, recouroient à l'autorité d'un magistrat absolu, qu'ils appelloiēt dictateur, afin qu'il pourueut seul, au besoin des occurrences, & en ordonnast en toute souueraineté. Pourquoi n'en vferez vous de mesme, lors que

le bien de vostre Royaume, le salut de vos subiets, & l'vtilité de vostre seruice vous en descouuriront vne necessité presente?

Presente, dis-je, Sire, il ne faut offenser personne, & tellemēt presēte, que le remede ne se puisse trouuer qu'en vous, & par vous. Pour tout exemple, car ce pas est glissant, il ne faut pas s'y engager, & si enfoncer à la Françoisē: faictes vne reueuē de vos Prouinces, examinez la contrarietē des opinions, qui les bizarrent, & les dissent sur le faict de leur creance, & vous aduouerez que estes seul capable, de ietter de l'eau sur l'embrasement, dont ces diuisions les menacent.

Diuisions, qui couuent vn feu, auquel tant de liurets, impunemēt respendus, en tous les endroits de vostre Roiaume, seruiront de fusil:

tant de discours, qui s'entrepoussent à chasque heure d'une licentieuse nouueauté, d'allumettes, & tant d'attaques, responses: & repliques poignantes, & satyriques, de flammèches. Le me trompe fort, Sire, ou cette merueilleuse & opiniastre contestation, entre personnes différentes, non de naissance mais de Religiō, ces reparties bouffonnesques, & ces broquarts, accrez sans respect: contre vostre M. mesme sont auāt coureurs de quelque orage.

Pouruoyez y pendant que la bonace dure, & vous seruez des moyēs propres, à coniurer vne si dange-reuse tempeste. De vray le mal qui debauché ce grand corps, duquel vous estes le chef, tient, à ce que les plus aduisez iugēt, par de si fortes racines, qu'il est meshuy mal-aisé de les arracher, & de le com-

battre: mais le sage medecin n'ayāt plus de remedes assez puissans, contre l'opiniastre vigueur d'une maladie aiguë, se sert de son experience, & de son art, pour en combattre la violence, & en rallentir les efforts.

Que vostre prudence, & vostre autorité fassent le mesme peut estre n'extirperont elles pas tout à la fois, la cause originelle de ceste fiebure, mais elles empescheront bien que ces nouvelles ebullitions, qui poussent, & qui tesmoignent l'alteration qui est en la masse du sang, n'apportēt quelques fascheux accidens, & que la sedition de tant de parolles furieuses, ne produise en fin des mouuemens, & des effets enragez.

On a veu de grands Empires croullez, voire abbatus par des commencemens plus legers, & mesme

par des causes si foibles, & si occultes, que les consequences en estoient imperceptibles, qu'elles ne fussent aduenues. Celles icy ont vne apparence toute visible, car desia l'on touche à l'ouuert de la plume sur le parchemin, malgré vous, qui estes Roy paisible, qu'attendrez vous d'aduantage, sinon qu'à main armée, lon frappe, & lon fasse bruire les Caisses, que lon entonne les trompettes, & que de toutes parts l'on appelle aux armes vos suiets, pour maintenir par violence, ce que le mensonge, le desespoir, & les furies, ont escript avec impudēce, combattez ces desordres en leur naissance, afin qu'ils ne croissent, estouffez ce feu en sa premiere cendre, car embrazé il enuellerait en sa ruine, vous, & vostre cher successeur, & vostre posterité.

F I N.